




# SPIRITUALISMA TEBUNGKAR





"Laban Tuhan Empu deka nurun ari serega enggau nyawa ti inggar, enggau nyawa tuai melikat, enggau munyi terumpit Allah Taala. Lalu orang ke mati, ke udah arapka Tuhan, deka angkat dulu. Uдах nya baru kitai ke agi idup, ke agi tinggal, deka digempuruka sama enggau sida dalam remang lalu betemu enggau Tuhan di langit, lalu kitai deka diau begulai enggau Tuhan belama iya."  
(1 Tesalonika 4:16, 17)

Pemula keterubah ke dipadah Sitan ngagai kitai ianya:  
“Enda seduai mati” (*P-kal 3:4*). Kitai pen lalu arapka nya!

Nyau ka semua mensia arap lalu majak deka arap, kitai  
bisi samengat ke enda nemu mati, tauka sebagai ari  
pengidup kitai enda mati.

Bup Kudus udah chukup terang madah: “Orang (soul) ke  
bedosa deka mati” (*Esekiel 18:20*). Penyarut ba serata  
langit deka bepugu ba siti pekara: Sapa ti deka dikarapka  
nuan, Sitan tauka Allah Taala?



**Spiritualisma enggau pemati:**

- ➔ Samengat ke enda nemu mati.
- ➔ Pemati ba Penyanggup Lama.
- ➔ Pemati ba Penyanggup Baru.



**Spiritualisma ba hari-hari penudi:**

- ➔ Kelai enggau tanda nyelai.
- ➔ Tuju spiritualisma.

**SPIRITUALISMA**

**ENGGAU**

**PEMATI**



# SAMENGAT KE ENDA NEMU MATI

**"Kami mensia mati, lalu enda pulai agi,  
Baka mua hari ti majak ayas-seayas lalu lesap" (Jop 7:9).**



Nitihka penemu orang mayuh, mensia bisi dua iti bagi pengidup: tubuh enggau samengat. Nitihka penemu sida, dua iti bagi pengidup tu ulih idup ngatika diri.

Bup Kudus madahka pengidup kitai dibagi ngagai 3 bengkah: tubuh, roh, enggau samengat (1 Tes. 5: 23). Bup Kudus mega madahka tiga bengkah pekara tu enda ulih idup kediri. Pemungkal 2: 7 madahka Allah Taala ngaga tubuh, udah nya ngisi iya ngena pengidup (roh), udah nya iya lalu nyadi utai ke idup (dalam jaku Hebrew *nefes* tauka samengat).

Samengat ianya champur antara tubuh enggau roh. Kitai nadai samengat, tang kitai tu empu ti endang samengat.

Lebuh maya seput pengidup ngejang ari kitai, kitai lalu nadai agi. Nadai bagi ari pengidup kitai deka mengkang nemu utai lepas pemat. Tubuh mati, roh deka pulai ngagai orang ti meri iya, lalu samengat, asil ari champur tubuh enggau roh deka nadai agi (P-ajar 12:1-7; Esek. 18:20; Job 7:7-9).



Tubuh



Roh



Samengat

# SAMENGAT KE ENDA NEMU MATI

**"Kami mensia mati, lalu enda pulai agi,  
Baka mua hari ti majak ayas-seayas lalu lesap" (Jop 7:9)**



**Kenyau ari dosa tama ngagai dunya, Sitan udah ngena orang ti nguji berandau enggau orang ti udah mati lalu ngulihka penemu ari sida pasal utai ti nyadi diatu enggau utai ti nyadi dudi hari.**

**Orang baka tu, ke bekenaka puchau, engekeramat, enggau penemu pasal bintang, lalu diatu sida tu disebut kitai beliau tauka dukun.**



**Bup Kudus madah, "Laban TUHAN Allah Taala kita begedika orang ke ngereja utai ti jai baka nya" (Ulang 18:10-12). Ukum untkup penyalah tu ianya pematil (Lewi 20:27).**

**"Tang orang deka ngasuh kita minta pesan ari orang ke tau tujum, enggau ari manang ke enchiap sereta muchau. Sida deka nyebut, 'Orang patut betanyaka pesan ari bala antu, enggau ari orang ke udah mati, ngarika orang ke agi idup.' Kita enda tau enda nyaut sida munyi tu, Pendingka utai ti diajar TUHAN ngagai kita. Anang mendingka orang ke tau tujum; laban utai ti dipadangka sida ngagai kita enda ulih nyeliahka penusah ari kita" (Isa. 8:19-20).**

# PEMATI BA PENYANGGUP LAMA

**"Orang ke mati enda muji TUHAN, lalu orang ke udah nurun ngagai dunya ti sunyi, enda mega muji TUHAN"  
(Masmur 115:17)**



Lebuh nyenggai orang ke mati nadai orang kala nyebut, "kaban kitai tu benung dalam pejalai nuju ngagai neraka." Lebuh maya tu katebal agi orang ngembuan penemu, "orang ke manah" deka niki terus ngagai serega lalu begulai enggau Jesus, orang ke jai deka diukum tauka mitau-ayau. Bakani ajar Bup Kudus ba pekara tu?

**Ulih kitai muji Tuhan lepas mati?**

**Masmur 115:17**

**Kati orang ke mati ulih nemu utai ke nyadi ba sida sebilik enggau bala pangan iya?**

**Jop 14:21**

**Ulih orang ke mati berandau enggau orang ke idup?**

**Pengajar 9:6**

**Kati agi kitai ulih berunding lepas mati?**

**Pengajar 9:5**

**Kati ulih kitai ngereja sebarang pengawa lepas mati?**

**Pengajar 9:10**

Penyanggup Lama madahka pematinya baka mimpi. Dani ari peninduk lebuh maya Allah Taala ngangauka kitai angkat ngagai pengidup (1 Raja 2:10; 14:20; Dan. 12: 13).




# PEMATI BA PENYANGGUP BARU

**"Pangan kitai Lasarus udah tinduk, tang Aku deka kin lalu ngerak iya" (John 11:11)**

**Penyanggup Baru mega sebaka enggau Penyanggup Lama, bela madahka pematinya mimpi, ke semina Jesus aja ulih ngenani (John 11:11-14; 5:28-29).**

**Lebuh nulis surat ngagai orang Tesalonika, Paul madah ngagai sida pasal orang ke tinduk, ianya orang ke udah mati. Iya madah ngagai sida bala orang tu deka diangkatka baru lebuh Jesus datai kedua kali (1 Tes. 4:13-18). Enti Paul arapka orang ke udah mati deka niki terus ngagai Jesus lebuh mati, iya tentu enda madah munyi ke dipadah iya ngagai sida tu.**



**Lebuh bejakuka orang ke udah mati, Paul madahka sida deka idup baru "lebuh Kristus datai baru" (1 Kor. 15:22-24) lalu ukai sebedau nya. Iya mega madah, "Ukai semua kitai deka mati." Orang ke idup deka diubah sekejap mata, tang orang ke mati deka angkat udah berubah (1 Kor. 15:51-52).**

**Pengangkat nya meh kunchi dikena begulai enggau Jesus. Nadai pengangkat, nadai mega penyelamat (1 Kor. 15:13-18). Lebuh maya pengangkat meh timpuh alai kitai deka nerima pesaka, ari nya kitai enda tau enda enggau bebendar nganti timpuh nya (1 Pet. 1:3-5).**





# SPIRITUALISMA BA HARI-HARI PENUDI



# KELAI ENGGAU TANDA NYELAI

"Kristus ti pelesu, enggau nabi ti pelesu deka pegari, lalu ngereja mayuh kereja ajih, enggau kereja ti nyelai kena nesatka bala nemiak ke udah dipilih Allah Taala, enti ulih." (Mark 13:22)

Spiritualisma tu meh pergerakan ke datai terus ari Sitan empu, lalu pekara tu bepelasar ba samangat ke enda nemu mati. Raban orang tu ngambu diri ulih bejaku enggau orang ke udah mati, sereta nerima kuasa ari sida.

Taja Tuhan nyekat raban orang tu ba timpuh diatu, maya deka datai alai Iya ngemendarka sida ngaga pengawa nyelai ke ulih narit ati orang ke meda (Mark 13:22; 2 Tes. 2:9; Pem. 7:1 ; 13:13-14).

Lepas meda orang ke sakit raya ke dianggap nadai agi ulih gerai, suman enggau penuh; siti kerita ngetu ngambika enda ngelanggar kami; dia indai kami ke udah mati lalu bejaku enggau nyawa ti siru ngagai kami, nya alai bakani kitai ulih nyangkal pengawa nyelai ke baka nya? Ari nya, kitai enda ulih bepanggai ba asai enggau pengasai ati diri.



Penyelamat kitai semina ba Jaku Allah Taala enggau penyerah ti penuh ba Jesus, tu aja ke ulih nulung kitai ngelaban penguji ti penudi ari munsuh (Isa. 8:20; Ep. 6:13).

# TUJU SPIRITUALISMA

**"Sida nya roh antu ti ngereja kereja ajih, ke bejalai ngagai semua raja di dunya tu, lalu ngempuruka sida beperang lebuah Hari Besai Allah Taala ti Pemadu Bekuasa" (Pemandang 16:14)**

**Niat ati Sitan endang deka menang ba perang ngelaban Allah Taala, ngalahka perintah Iya, lalu duduk ba penuduk Iya (Isa. 14:13-14). Nya alai iya ngereja sebarang pengawa ke ulih dikena ngambi ati genap iku orang, berepun ari orang ke megai kuasa politik ke merintah kitai (Pem. 16:12-14).**

**"Ba punchak drama penipu besai, Sitan empu deka mali gamal diri sebaka enggau Kristus" (EGW "The Great Controversy," bagi 39 lambar 625).**



**Pekara tu nyadi ba maya Jesus deka nutup cherita (Pem. 16:15). Sitan meh munsuh ke udah alah. Dialahka Kristus, lalu dialahka sida ti bepagut ba darah Iya (1 John 2:14; 4:3-4; Pem. 3:21; 5:5; 12:11).**

**Kelai sida ti ngelaban beliau penipu tu meh: "sida ke ngasika pesan Allah Taala, sereta tetap ati arapka Jesus" (Pem. 14:12).**



**“Aku meda orang ti kudus enda tau enda nemu batang pemendar ari Bup Kudus enggau penuh. Sida enda tau enda nemu gaya orang ke udah mati, laban roh jai deka ngayanka diri ngagai sida, ngambu diri kaban belayan tauka pangan sida ke udah mati sereta deka madahka ajar-ajar ke nadai datai ari Bup Kudus. Sida enggau naka ulih deka ngasuh orang kasih ke sida sereta lalu ngereja pengawa nyelai dikena netapka ke pengamat utai ke dipadah sida. Bala nembiaik Tuhan enda tau enda besedia nyatup roh nya ngena pemendar Bup Kudus ke madahka orang ke udah mati nadai nemu utai agi, lalu sida ke ngayanka diri ngagai sida nya endang datai ari roh Sitan.”**

**EGW (Early writings, lambar 262)**